

præsupposita, seu causa sine quâ non: tam
en cum illi, quorum Deus misertus est,
quoque peccatores essent, suprema & ad-
æquata causa reprobationis esse non po-
test. Hæc verò est liberissima Dei potestas
& voluntas Rom. 9.18 21.22 Hæc potè vo-
luntas dicitur absoluta, non quòd ratione
careat: sed quòd apud Deum illa ratio sit
abscondita.

XIII. *A methodo syntheticâ ad analyti-
cam, sive à theoriâ ad praxin, non valet argu-
mentum.* Etsi enim una & eadem doctri-
na utrâque methodo proponi potest: non
tamen omnes æquè capiunt utramq;. Nam
in methodo syntheticâ progredimur à
priori, in analyticâ à posteriori. Itaq; si no-
bis negotium sit cum iis, qui sensus habet
exercitatos in Scripturis, doctrinam præ-
destinationis proponemus methodo syn-
theticâ, incipiendo à primâ & altissimâ
causâ. Si verò cum rudibus & tentatis a-
gere oporteat, analyticè progrediemur à
proximo effecto ad causas.

XIV. *Ab electione ad officium non valet
argumentatio ad electionem ad vitam eter-
nam: ut in Iudâ proditore.*

C A P U T I X.

De creatione.

I. **A** Generatione physicâ ad creationem non

B 7

valet